



ULLOQ 3. Maj

UPA2023/54

**Kalaallit Nunaanni meeqqat pillugit inatsisip Kalaallit Nunaannut atuutilersinnissaanut peqqussutissatut missingiummut aamma meeqqat pilersorneqarnerat il. il. Pillugu inatsisip Kalaallit Nunaannut atuutilersinnissaanut peqqussutissatut missingiummut Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut. (Meeqqanut, Inuusuttunut, Ilaqutariinnut Peqqissutsimullu Naalakkersuisoq)**

Siumumiit qujalluta Siunnersuummut imaattumik oqaaseqarfigissavarput.

Kalaallit Nunaanni meeqqat pillugit inatsisip ineriartortinneqarnerat pissusissamisoortut Siumumiit isumaqarfigivarput.

Siunnersuut arlalinnik qulequtaqarpoq meeqqanut pingaarutilimmik sunniuteqartussamik. Anaanaaqataanerup malittarisassanik eqqussineq, Ataataassusermut ersarissaanerit, Meeqqamut akiliutit, meeqqamut pilersorneqarneri, Meeqqat kingornussisarnermi inissisimanerat.

Nutarterinerit pisariaqarluinnartut Siumumiit isigivagut.

Siumumiit isumaqarpuqut meeqqat pillugit inatsisip pineqartillugit meeqqat pisinnaatitaaffii inatsisipit naqissuserneqartarnissaat pikkoriffigineruseriaqaripput, taamaaliornikkut qulakkeeriartussagatsigu naalakkersuinikkut ingerlatsineri nalornissuteqannginnerulluni suliarinnittoqartarnissaa.

Inuuneq aallaqqaataaniilli toqqissimasumik ineriartorfiulluni toqqammavilerneqartariaqarpoq, tamanna inatsisip ilaatigut qulakkeeqataaffigisinnaavaat.

Taamatut naatsumik oqaaseqarluta ataatsimiisitaliamut susassaartumut ingerlateqqipparput.

Hans Peter Poulsen

Siumut